欽 定 全 唐

大三ところ しょうこうて 目録		奏請加德音中節目二件		論和羅狀	論于頓裴均狀	論制科人狀	初授拾遺獻書	白居易十二	欽定全唐文卷六百六十七目錄
-----------------	--	------------	--	------	--------	-------	--------	-------	---------------

	論孫 等 第 三 狀 論
	論五鍔欲除官事宜狀
3	

.

欽定全唐文 卷六百六十七 但言私旨未吐衷誠今者再驗宸嚴伏惟重賜詳覽臣按 除授臣左拾遗前充翰林院學士者臣與崔羣同狀陳謝 合於道者小則上封大則延諍其選甚重其我甚卑所以 首謹昧死奉書於施尿之下臣伏奉前月二十八日恩制 欽定全唐文卷六百六十七 六典左右拾遺掌供奉諷諫凡發令舉事有不便於時不 五月八日翰林學士將仕郎守左拾遺臣白居易頓首頓 白居易十二 初授拾遺獻書 白居易

祭天下利病無不言此國朝置拾遺之本意也由是而言 吏委心泥浑絕望煙霄豈意聖慈雅居近職每宴飲無 所 也故拾遺之置所以卑其我者使位未足情身未足愛也 先及每慶賜無不先霑中廢之馬代其勞內廚之膳給 者抑有由也大凡人之情位高則惜其位身貴則爱其 小臣愚劣閣懦所宜居之哉況臣本鄉里監儒府縣 恩不忍負然後能有關必規有違必諫朝廷得失無不 以重其選者使上不忍負恩下不負忍心也夫位不足 位則偷合而不言愛身則苟容而不諫此必然之理

唯 擢清班臣所以授官已來僅將十日食不知味寢不追 今後萬一事有不便於時者陛下豈不欲聞之乎萬一 合於道便於時故天下之心遇遇然日有望於太平也然 有不合於道者陛下豈不欲革之乎倘陛下言動之際認 極初受鴻名夙夜憂勤以求致理每施一政舉一事無不 食朝慙夕惕已逾半年塵曠漸深憂愧彌劇未伸微効 思粉身以答殊龍但未獲粉身之所耳今陛下肇建皇 聖心裁斷而已臣又職在中禁不同外司欲竭愚衷合 2. 1 2. cats () W/ ... 2. (2) - (2) 12 小有遺闕稍關損益臣必密陳所見潛獻所聞 白居易

先陳露伏希天鑒深察赤誠無住感恩欲報懇款房管之 多定全庫文、着六百六十七 懼喧喧道路異口同音皆云制舉人牛僧孺等三人以直 至謹言 右臣伏見內外官近日除改人心甚警遠近之情不無憂 妄斥而逐之故並出為關外官楊於陵以考策敢收直言 者故出為廣府節度韋貫之同所坐故出為果州刺史裴 言時事恩獎登科被落第人怨謗加輕感亂中外謂為莊 論制科人狀 近日內外官除改及制科人等事宜

授以要權致之近地故比來眾情私相謂曰此數人者皆 小誤得以為名故點為左庶子王播同之亦停知雜臣伏 所坐出為號州司馬盧坦以數舉事為人所惡因其彈奏 垍以覆策又不退直言者故免內職除戶部侍郎王涯 たかしたるかしくいないしてい 人之望也若數人進則必君子之道長若數人退則必 人之道行欲卜時事之否臧在數人之進退也則數人者 自陛下嗣位以來並蒙與用或任之耳目或委以腹心 以裴垍王涯盧坦韋貫之等皆公忠正直內外成知所宜 人情日望致理今忽一旦悉疎棄之或降於散班或斥 白居易

當言者臣今言出身戮亦所甘心何者臣之命至輕朝廷 實但獻所聞所聞皆虚陛下得不明辯之乎所聞皆實陛 然皆云裴垍等不能委曲順時或以正直作物為人之所 金万百月丁美丁百十十 媒孽本非聖意罪之不審陛下得聞之否臣未知此說虚 於遠郡設命有過猶可優容況且無瑕豈宜點退所以前 **夾心直言者杜口不審陛下得知之否凡此除改傳者** 月以來上自朝廷下至衢路眾心洶洶驚懼不安直道者 之事至大故也臣又聞君聖則臣忠上明則下直故堯之 得不深慮之乎虚之與實皆恐陛下要知臣若不言

炎定全吾文 卷六百六十七 涕 士親自臨試問以天早移質對以兩漢故事三公當免卜 未能推而行之又何忍罪而斥之乎此臣所以為陛下流 若以為及之則誹謗痛哭尚合容而納之况徵之直言索 臣所以未喻也陛下視今日之理何如堯與漢文之時乎 汉 内已理矣賈誼猶比之倒懸可爲痛哭二君皆容納之 聖也天下已太平矣尚求誹謗以廣聰明漢文之明也遊 極諫乎若以為未及則僧孺等之言固宜然也陛下 而痛惜也德宗皇帝初即位年亦徵天下直言極諫之 得稱聖明也今陛下明下部令徵求直言反以為罪 白居易 四

宗深嘉之自第四等拔為第三等自畿尉擢為左補闕書 棄之雖有親故不敢避之难求直言以副聖意故皇前 敢 未過於移質而遽斥之臣恐非嗣祖宗承耿光之道也畫 式者議宏羊可烹此皆指言當時在權位而有思寵者德 之國史以示子孫今僧孺等對策之中切直指陳之言 負恩下不忍負心唯東至公以為取拾雖有雙怨不敢 史策後嗣何觀馬陛下得不再三省之乎臣昨在院與 均王涯等覆策之時日奉宣令臣等精意考覆臣上不 是王涯 外甥以其言直合取涯亦不敢以私嫌自避當

時有狀具以陳奏不意奉心嗷嗷構成禍端聖心以此祭 臣懼惕豈可苟安敢不自陳以待罪戾臣今職為學士 熟責豈可六人同事难罪两人雖聖造優容且過朝夕在 非允當以臣覆軍事涉乖宜則臣等見在四人亦宜各加 垍等依舊職獎用使內外人意歡然再安若以臣此言理 以聽採則乞俯迴聖覽特示寬恩僧孺等准往例與官裝 之則或可悟矣儻陛下察臣肝膽知臣精誠以臣此言 欽定全唐文人卷六百空七 孤 是拾遺日草部書月請諫紙臣若黙點情身不言豈惟 聖恩實亦下負人道所以密級手疏潛吐血誠苟合天 白居易 五

使三二年來朝廷追則追替則替奔走道路懼承命之不 便畫夜思慮不敢不言伏見貞元以來天下節將握兵守 聖恩已似允許臣側聽時議內酌事情為陛下謀恐非 暇 石 少肯入朝自陛下刑服三党威加四海是得諸道節 臣聞諸道路皆云于順裴均累有進奉並請入朝伏聞 雖死無恨無任憂懼激切之至 斯 則聖德皇威大被於四方矣夫謀宜可久事貴得 論 于順裝均狀 頓裴均欲入朝事宜 度 穏

盡來何則安眾心收眾望在調取之得其宜也臣伏見 减 當難制之時則貴欲令其朝覲及可制之日則不必使 賢愚皆欲仰希聖恩傍結權貴上須進奉下須人事莫不 欽定全唐文 卷六百六十七 等數有進奉若又許來荆襄之人必重因於剝削矣奪軍 便雷在朝臣細思之有三不可何者竊見外使入奏不問 日節度使或替或追稍似煩數今又許于頓等入奏或慮 疲人之不足奉君上權貴之有餘伏料聖心知之深所 削軍府割剝疲人每一入朝甚於雨稅又聞于頓裴均 忍此不可一也臣又竊聞時議云近日諸道節度使或 白居易

盡 文許之豈非須來即來乎旣來必以戀闕為名若又許之 昭求之臣聞茂昭又欲入朝已謀行計茂昭亦宰相也亦 國 重位要大權即得大權進退周旋無求不得天下節度使 レス 入觀為請以戀闕為名須來即來須住即住要重位即得 萌此心不審聖聰聞此議否今于頓等以入觀為請若 進奉希旨或以貨賄藩身謂恩澤可圖謂權位可取 非須住即住乎則重位自然合加况必求之乎大權 不與兇必圖之乎重位大權人誰不愛于頓旣得則茂 也若引于順為例獨不可乎若盡與之則陛下重位 以

事怨望之端自此而作今倖門已開矣速杜之又令于頓 人にというしくたらりてこ 慮于頓未來之間內外迎附之者其勢已赫赫炎炎矣况 等開之臣必恐聖心有時而悔矣其不可二也臣又竊見 其已來乎臣恐于頓未到之間內外合言者已不敢言矣 况其已到乎脫或至此陛下有術以制馭之耶若用術 甚安今于頓任軍將相來則總朝廷之權家通國親 大權是以人情假人也授之可乎若獨與彼不與此則念 連成里之勢勢親則疎者不敢諫權重則羣下不敢言 自古及今君臣之際權太重則下不得所勢太逼則上 白居易 入則 臣

士 細伏乞聖寬再三思之今臣所言皆君臣之密機安危 繩 臣 近密身被恩荣茍有聞 之不如不制之安也若又無術將如之何且于頓身是大 心若 貴語無方便動有悔九言出身危非不知耳但以職 討伏望被藏此狀不令左右得知况臣以疎議親以 子為駙馬性靈事迹陛下素語 進退思慮恐貽聖憂其不可三也凡此三不可事實 ライコアンとえいてナナナ 以規制則必失君臣之心若縱其作為則必敗朝廷 黙 而負恩則臣所不忍伏希聖鑒俯察愚誠謹 知即合陳露儻言而得罪亦 朝到來權無內外 臣所 賤 居

但合府縣散配戶人促立程限嚴加徵惟苟有稽 追 出錢人出穀雨和商量然後交易也比來和雜事有不然 錢殼以利農人以臣所觀有害無利何者凡曰和雅者官 **麥**聞謹奏 捉迫蹙鞭撻甚於稅賦號為和雜其實害人催依前 臣伏見有司以今年豐熟請令畿內及諸處和 臣故曰有害無利 論和 今年和 羅狀 To the second 糴 也今若有司出錢開場自雜比於時 折羅利害事宜 白居易 遲 羅令收 則 被 而

欽定全唐文 卷六百六十七 所支和 裁之必不得已則不如折雜折雜者折青苗稅錢使納 行此之便是真得和雜利人之道也二端取捨伏惟聖 價 稅錢至於給付不免侵偷貨易不免折損所失過本其弊 斗免令賤糶別納見錢在於農人亦甚為利光度支比來 可 轉賣匹段之勞利歸於人美歸於上則折雜之便豈不的 岩 稍 知今若量折稅錢使納斛斗旣無賤糶麥栗之費又無 有利自然願來利害之間可以此辨今若除前之 有 優饒利之誘人人必情願且本請和 羅價錢多是雜色匹段百姓又須轉賣然後將 雜 只圖利 弊 觓

然由是而論則配戶不如開場和耀不如折耀亦甚明矣 欽定全唐文卷六百六七七 或感陛下以勃命已下難於改移以臣所見事又不然夫 緘黙隱而不言不惟上孤聖恩實亦內負夙願猶慮愚誠 在諫官苟有他間猶合陳獻光備請此事深知此弊臣若 此人病間於天聰疎遠賤微無由上達今幸擢居禁職列 臣久處村間曾為和雜之戸親被迫蹙實不堪命臣近為 百 姓 至聖鑒未迎即望試令左右可親信者一人潛問鄉 尉曾領和報之司親自鞭撻所不忍親臣項者常欲疏 和 雜之與折雜孰利而孰害乎則知臣言不敢苟耳 白居易

宸東審賜詳察謹具奏聞謹奏 左右不能感聽合於公議斷自宸東內外人心甚為恆當 聖人之舉事也唯務便人唯求利物若損益相半則不必 其嚴緩早須與替不可更遲緣與輔光久相交結軍中補 右嚴緩輔光太原事迹其間不可遠近具知臣前日對 遷移若利害相懸則事須追改不獨於此其他亦然伏望 仔細面奏今奉宣輔光已替嚴緩續追此皆聖鑒至明 論太原事狀三件 嚴 綬 輔光 時

恐嚴緩相黨曲為妄陳軍情事宜之問須過防慮伏望聖 署職掌比來盡由輔光今見別除監軍小人乍失依託或 恩速令貞亮赴本道便許嚴緩入朝 然臣伏聞貞亮先充汴州監軍日自置親兵數千又任 難以成功其貞亮發赴本道之時恐須以承前事切加約 所在專權若貞亮處事依前即太原却受其弊雖將追改 右貞亮原是舊人曾任重職陛下以太原事弊使替輔光 都監日專殺李康兩節度使事迹深為不可違性自 貞亮 りる時

東令其戒懼此事至要伏惟聖心不忘 飲定全唐文·卷六百六十七 則 伏恐聖意處其有年臣又訪聞希朝筋力猶堪驅使但 勤儉信實所在士卒歸心今若太原要人無出希朝之 奏聞 亦是要鎮如納臣愚見伏望便須擇人與希朝相代謹 令鎮無必恆軍情待其一二年間威制成立然後擇能 右范希朝前在振武威令大行至今蕃戎望風畏伏况又 必易守成規則雖老年事須且用其靈武比太原雖 范希朝 右 且

聖 稅 右伏以聖心憂軫重降德音欲令實惠及人無如減放 疲乏之中重此徵迫人力困苦莫甚於斯却是今年伏 有納者縱未納者多是逃亡假令不放亦徵不得況早 昨正月中所降德音量放去年錢米代聞所放數內 恩更與军臣及有司商量江淮先早損州作分數更量 縣至多所放錢米至少百姓未經豐熟又納今年租 奏請加德音中節目二件 租稅 緣今時早請更減放江淮早損州縣百姓今年 白岳易 租

蒙聖恩量有揀放聞諸道路所出不多臣伏見自太宗元 放今年租稅當波困之際降則隱之恩感動人情無出於 慈再加處分則盛明之德可動天心感悅之情必致 宗以來每遇災旱多有揀放書在國史天下稱之伏望 離隔親族有幽閉怨曠之苦事宜省費物貴遂情項者 使之餘其數猶廣上則屢給衣食有供億麼費之煩下 右伏見大歷已來四十餘歲宫中人數積久漸多伏慮 此敢竭愚見以副聖心 自与と方こと、オコーコー 請揀放後宮內人 則

陛下待之深得其所存其大體故厚加龍位知其性惡故 此說虚之與實再三思之皆為不可何則于頓自入朝來 被普寧公主間欲選進今于頓所進事非獲已者臣未 臣愚懇不能發此言非陛下英明不能行此事如家允許 光垂史冊美繼祖宗貞觀開元之風復見於今日矣非 たことにより 不與威權中外人情以為至當在於于頓亦自甘心今因 便請以德音中次第處分謹具奏聞伏待聖旨謹奏 石臣三五日水聞于時議云前件所進者並是于順愛妾 論于頓所進歌舞人事宜狀 白居易

普寧奪其愛妾界人旣有流議于順得以為詞臣恐此事 感戴臣所聞所見如此伏恐陛下要知輒敢密陳庶神 有此說是于順自進亦恐外人不知去就之間恐須却 惟 邪正所有制斷所有處置無不合於公論無不愜於人情 多分 在厚了一港一下二十 不益聖德在臣愚見豈敢不言伏見陛下數月以來分 此一事實乖時體關於損益臣實情之今道路云云皆 頓內足以辨明聖意外足以止息淨詞又令于頓有所 謹具奏開謹奏 論魏徵舊宅狀

子甚合朕心允依來奏者臣伏以魏徵是太宗朝宰相盡 右今日守謙宣令撰與師道部所請收贖魏徵宅選與其 **戳宅內舊堂本是宮中小殿太宗特賜以表殊恩旣又與** 合出朝廷師道何人輒掠此美依宣便許臣知非宜況魏 忠輔佐以致太平在於子孫合加優即今緣子孫窮賤舊 宅典賣與人師道請出私財收贖却還其後嗣事關激勸 諸家不同尤不宜使師道與贖計其典賣其價非多伏望 明勒有司特以官錢收贖使還後嗣以勸忠臣則事出皇 李師道奏請出私財收贖魏徵舊宅事宜 Jist tatt. 白田易

宣便撰伏待聖旨謹具奏聞謹奏 **輩皆生冀望之心矣若盡與則典章大壞又未感思若不** 與則厚薄有殊或生怨望倖門一 除平章事內外之議早已紛然今王鍔若除則如王鍔之 恩美歸聖德臣苟有所見不敢不陳其與師道詔未敢依 欽定全唐文派卷六百六十七 以宰相者人臣極位天下具瞻非有清望大功不合輕授 右臣竊聞王鍔見欲除平章事未知何故有此商量臣伏 鍔旣非清望又無大功若加此官深為不可昨日裴均 論王錫欲除官事宜狀 放無可奈何臣又聞王

故 謂陛下得王鳄進奉而與军相也臣又恐諸道節度使今 次定全哲文 卷六百七十七 相 誅求百計侵削錢物既足部領入朝號為美餘親自進 日已後皆割剝生人營求宰相私相謂曰誰不如王鍔 言之無及伏惟 臣以為深不可也其王鍔歸鎮與在朝伏望並不除幸 有耳者無不知之今若授同平章事臣恐四方聞之皆 在鎮日不即渦殘唯務差稅淮南百姓日夜無慘五年 臣尚未知所聞信否貴欲先事而言或恐萬一 論裝均進奉銀器狀 聖鑒俯察愚衷謹具奏聞謹奏 白居易 占 已行即 邪

前 事深損聖德臣或處有人云裝均所進銀器發在德音 前逐勸聖恩不妨受納以臣所見事固不然臣聞果 荒如感雨澤應期巷舞途歌咸呼萬歲伏自德音降 奏伏以 裴均性本貪殘動多邪 件 臣. 不願停罷必恐即日修表倍程進來欲試朝廷當其 下禺望遵行未經旬月之間裴均便先進銀器誠有 伏 银器雖未審 聞 陛 向外傳說云裴均前月二十六日於銀臺進 下昨因時早念及疲人特降德音停罷進 知虚實然而物議喧然既有所聞 ブー 巧每假進奉廣有誅求料其 議 不

臺 人にといったいまいり 何 諸道依前從此不守法度則是陛下明降制旨又自棄 送納左藏庫仍委御史臺具名聞奏若此事果實則御 之伏准德音節文除四節及旨條外有違越進奉者其物 姦情今若便容果落邪計况一處如此則遠近皆知臣恐 五日即裴均合知至二十六日進物方到以此詳察足見 以臣所見伏望明宣云裴均所進銀器雖在德音之前恐 否何者前月三日降德音准諸道進奏院報事例不過 必准制彈奏諫官必諫宰相必論天下知之何裨聖 以制取四方何以取信天下臣反覆思慮深為陛下惜 白居易 四

金らるアフトそうアンコ 前以來多擇有功熟德望者為之節度使昨者孫壽忽除 置在於事體深以為宜伏願聖心速賜裁斷謹具奏聞謹 此官臣緣素未諳知不敢輕議可否及制下之後甚不恆 事出宸東美歸聖德又冤至御史諫官奏論之然後有處 四方不知宜送左藏庫收納如此則海內悅服天下歡心 伏以鳳朔右輔之地控壓龍蜀又近國門最為重鎮承 論 孫璹 孫毒張輔 作 國狀

大臣自事大人美で行り上 鎮不合便授此重務宣唯公議之間以為過當亦恐同 聖聰要知 未可遽又改移待到鳳翔觀其可否以後不可不審伏恐 內皆生体心况今聖政日明朝網日舉每命一官 於姓名眾未知有縱有才暑堪任將帥猶宜且試於 輔國當徐州用兵之時已有殊效及率銷作亂之日又 皆側耳聽之則除授之間深宜重慎今孫壽已受成命 心孫璹雖久從軍不聞有大功效自居禁衛亦無 張輔國 自居易 職

為理人官恐未可便授大鎮若近邊次節度有要替處 聞己有年亦宜速用事不可失臣深惜之然以輔國 感動天下忠臣之志以推攝天下姦臣之心何者輔國 則 金はる屋で、えてアラー 事無人不知方鎮之榮無人不愛若輔國更得節度使天 立大功忠節赤誠海內推服近來將校少有比倫已蒙 授金吾大將軍以示獎勵以臣所見更宜與一方鎮以 明勸忠貞二則開銷禍亂聖人機柄正在於斯今輔 帥負恩則壓下偏裨競為輔國亂臣賊子不敢不息一 知人皆爲貪寵禁誰不爭効忠順萬一若一方有事

蒙宣報伏恐愚誠未懇聖慮未迴臣更細思事有不可所 輔國最為得宜謹具奏聞謹奏 私因以挾恨或假公議將報私嫌遂使誣謗之聲上聞 者三何者元稹守官正直人所共知自授御史已來舉 以塵黷至於再三臣內察事情外聽眾議元稹左降不可 右伏綠元碩左降事宜昨李絳崔奉等再已奏聞至今未 不避權勢只如奏率公住等之事多是朝廷親情人誰無 大きとうまし、大きコマトビ 諭元稹第三狀 監察御史元稹贬江陵府士曹參軍 白居易

旋 從 聽 官承前己來未有此事今中官有罪未見處置御史無過 金分百月丁是下了一 為戒無人肯為陛下當官執法無人肯為陛下嫉惡絕 與中使劉士元爭應自此得罪至於爭廳事理已具前 奏陳况聞劉士元蹋破驛門奪將鞍馬仍索弓箭嚇辱朝 之事心雖奉公事稍過當旣從重罰足以懲違況經謝恩 此無由得知此其不可者一也昨者元稹所追勘房式 外權貴親黨縱橫有大過大罪者必相容隱而已陸 臣恐元稹左降已後凡在位者每欲舉事必先以元稹 又左降雖引前事以為責詞然外議諠諠皆以為元稹 愆

縱暴益甚朝官受辱必不敢言縱有被凌辱毆打者亦以 行悉有懲罰計天下方鎮皆怒元稹守官今貶為江陵判 皋使軍將封杖打殺縣令如此之事前後甚多屬朝廷法 軍押柩及家口入驛又奏裝玢違動旨徵百姓草又奏韓 法收沒入平人資產八十餘家又奏王紹違法給券令監 却先貶官遠近開知實損聖德臣恐從今已後中官出使 元稹為戒但吞聲而已陛下從此無由得聞此其不可者 司即是送與方鎮從此方鎮報怨朝廷何由得知臣伏聞 二也臣又訪聞元稹自去年以來舉奏嚴礪在東川日枉

臣此言為忠又未能别有處置必不得已則伏望且令追 下無由得知此其不可者三也若無此三不可假如朝廷 欲惜身永以元稹為戒如此則天下有不軟不法之事性 德宗時有崔善貞密告李錡必反德宗不信送與李錡李 **勤庆全唐文、岩六百六七** 制改與一京師閒官免令元稹却事方鎮此乃上神聖政 天下為之痛心臣恐元稹左降後方鎮有過無人敢言皆 誤左降一御史蓋是小事臣何敢煩黷聖聽至於再三乎 錡大怒逐掘坑縱火燒殺崔善貞未數年李錡果反至今 以所損者深所關者大以此思慮敢不極言陛下若以

挫軍威至今與從史兩軍入財界下營未得從史雖經接 准擬希朝茂昭今承璀自去以來未敢苦戰已丧大將先 勢保必無望何者陛下本用兵之初第一倚望承璀第二 合 合用兵旣已用兵亦希萬一所以人意或望成功今看事 右緣討伐恒州事宜前者已具奏聞此事至大至切臣不 下恆人情伏望細察事情斷在聖意謹具奏聞謹奏 奏便休伏願聖聰再賜詳省臣伏以河北事體本不 請罷兵第二狀 請罷恒州兵事宜 白舌易

戰 者二可為陛下深憂者二何則若果有成功即不論用度 澤縣今却被賊打破則其進討之勢想亦可知劉濟親 來方入賊界據所奏到賊新市城一鎮便過不得又奏深 欽定全唐文 卷六百六十七 陛下具見據其去就豈有成功未審聖心何如更有所望 可保今看情狀似相計會各收一 引日時不唯意在逗遛兼是力難支敵希朝茂昭數月以 以臣愚見速須罷兵若又遲疑其害有四可為陛下痛惜 全軍分圍樂壽又奏賊城堅守卒不易攻師道季安元不 與賊勝負暑均况奏報之間又事恐非實遷延進退貴 縣便不進軍如此事由 領

欽定全唐文卷六百六十七 也臣伏恐河北諸將見吳少陽已受制命必引事例輕重 多少既的知不可即不合虚費貲糧悟而後行事亦非 同詞請雪承宗若章表繼來即議無不許請而後拾模樣 躬每事節儉今以府庫錢帛百姓脂膏資助河北諸侯轉 令富貴強大臣每念此不勝憤歎此其為陛下痛惜者 今遲校一日有一日之費更延旬月所費滋多終項罷兵 何 知轉令承宗膠固同類如此則與奪皆由隣道恩信不 如早罷臣伏見陛下此來愛人省用發自深心至於聖 廷實恐威權盡歸河北臣每念此實所疾心此其為 白居易

若逃百人相扇一軍若散諸軍必搖事忽至此悔將何及 國之事小大盡知今聚天下之兵唯討承宗一賊自冬及 就戰人何以堪縱不惜身亦難忍苦況神策官健又最烏 雜以城市之人例皆不慣如此忽思生路或有奔逃一 此其為陛下深憂者一也臣伏聞回鶻吐蕃皆有細作中 夏都未立功則兵力之強弱資費之多少豈宜使西戎北 疫疾暴露衣甲暑濕弓箭瘡痍上有赤日前有白刃驅以 下痛情者二也今天時已熱兵氣相蒸至於機渴疲勞 知之忽見利生心乘虚入冠以今日之勢力可能

欽定全唐文卷六百六十七 狀察臣此心審賜裁量速有處分如此則是陛下社稷宗 每思之憂入骨髓此其為陛下深憂者二也伏惟詳臣此 殺其首尾哉兵連禍生何事不有萬一 上負陛下伏希聖鑒憐察血誠知臣心如此更詳此狀臣 石臣所請罷兵前後己頻陳奏今日事勢又更不同比來 廟之福不獨天下幸甚謹具奏聞 月漸深憂惶轉甚若不極應若不切言是臣懼罪情身 請罷兵第三狀 請罷恒州兵馬事宜 白居易 一及此實關安危臣 主

竟未立功元陽新到那州又奏兵數至少請諸軍兵馬 澤潞潰散健兒其間有入魏博却投那州者季安追捉 伏以行營近日事體陛下一一具知師道令收棟州至今 今師道希朝等屯軍向欲半年過新市一 竟未奉部至於表章詞意近者亦甚非宜季安等心元不 按軍令昨所與部都不禀承據此情狀暑無形迹但恐今 日 可 兵少特地方請加兵則南道勢力今亦可見北道承难 測與賊計會各收一 以後此輩無不辨為又比來所望有功只在南北兩道 一空縣 而 己相顧拱手便休開昨 鎭未得茂的

遠 宗本末之勢同 軍 獲 須計量重輕 近 無成功陛下猶未罷兵不知更有何所待臣伏恐劉 濟大姦過於季輩外雖似順中不可知有功無功進 久無 利 日情似盡忠今忽罷兵慮傷其意以臣所見理固 圖况今事情又不至此伏望聖意斷之不疑臣昨 抽假使承难等竭力盡忠終恐不副聖意據 January 1 初聞罷討或可有詞見雪恒州必私懷喜何則於 功時又漸熟人不堪命慮有奔逃前狀之中已具 捨 也假令劉濟實忠實蓋陛下難阻其心 小圖大豈緣劉濟一人惆悵而不顧 白居易 此事 天 日 猶

得乎一 來元陽方再整本軍劉濟且引兵欲進因此事勢正可罷 陛下威權轉銷天下模樣更惡如此事勢皆在目前只合 陳奏今果聞神策所管徐泗鄭滑雨道兵馬各有言語 多方住唐文者六百六十七 伏料陛下去年初銳意用兵之時必謂討承宗如討劉 逆防不合追悔今盧從史已歸罪左降王承宗又乞雪表 心自此動搖何慮不有事忽至於此者則陛下求不罷討 少不安臣自聞之不勝憂切一軍若不寧貼必扇諸軍之 兵赦旣有名罷亦有勢若又此時不罷臣實不測聖心臣 種罷兵何如早罷必待事不得已然後罷之只使 **4**%

繁多語亦懇切陛下若以臣所見非是所言非忠况以塵 必則猶不可知後事轉難更何所望至於竭府庫以富河 前奏不敢再陳况今日已前所惜者威權財用今日已後 於定全書文 巻六百六十七 所憂者治亂安危國家有天下二百年陛下承宗社十 圖 北諸將虚中國以使我狄生心可為深憂可為痛惜已具 李錡兵合之後坐見誅擒豈料遷延經年如此然則始謀 豈得以小念而忘國家大計豈得以小恥而忘宗社遠 不休臣即合便得罪若以臣所見為是所言為忠則陛 人願聖心以此為慮臣前後已獻三狀不啻千言詞旣 白居易

1				•
		1	不勝負	下何之
			不勝負憂待罪懇迫兢惶之至謹奏	· 假兵代望讀臣此狀一二十遍斷其可何忍知是不從知忠不納不然則臣合
			題 迫 兢 掉	臣此狀一
			住之至謹	一二十 海 米
			奏	断其可
				否速 期處分
				處 然

欠らというととうととり日報	奏陳情狀	謝官狀	論孟元陽狀	論嚴緩狀	奏閿鄉禁囚狀	論承璀職名狀	奏所聞狀	白居易十三	欽定全唐文卷六百六十八目錄

	_			OCHRONIC HOLD					عبيد سنانطي
秋定全唐文 卷六頁八十 目錄	論行替状	論左降獨孤朗等狀	讓絹狀	論重考試進士事宜狀	舉人自代狀	論重考科目人狀	社日謝賜酒餅狀	謝恩賜茶果等狀	謝賜新歷日狀
				,					

								Chiquinton names co	
	·	'							インシノ
	,			·	,•	 		論	1
			' 					姚文	
	<u>.</u>							秀打	111
								論姚文秀打殺裏狀	171 /
,								狀	
				·					
							; 		
·	, , , ,							l,	
,		, , ,							

欽定全喜文、卷六百六十八 是虚傳且有此聞不敢不奏伏惟德音除四節外非時進 問便仰錄名奏來者內外相傳不無驚怪臣伏料此事多 奏院自今已後應有進奉並不用申報御史臺如有人 右伏見六七日來向外傳說皆云有進旨令宣與諸道進 欽定全唐文卷六百六十八 白居易十三 切並停如有達越仰御史臺察訪聞奏今若不許報 奏所聞狀 向外所聞事宜 白居易 勘

料聖意必無此處分但恐宣傳之際或致疑誤遂令內外 有此消息賀德音之使未絕於道途許進奉之聲已聞於 有此流傳實恐旬月之間散報諸道虧損聖政無甚於斯 內外此衆情所以驚愕而不測也臣訪昨聞又無明勅伏 欣躍感動四方實亦國史光明垂示百代今未踰數月忽 送出外庫宣報所司遠近傳呼聞於道路此則不獨人心 銀器發在德音之前猶慮四方不知將謂容有違越特令 理發自深誠德音中停罷進奉最是大節昨者裴均所進 臺不許勘問即是許進奉而廢德音也伏以陛下憂人思 次年年年と というと 淮西之時以買良國為都監近日高崇文計劉闢之時以 賜詳察臣伏以國家故事每有征伐專委將即以責成功 令依前定者臣實深知不可豈敢順旨便休伏望聖慈更 若此果虚即望宣示內外令知聖旨使息虚聲伏願宸東 近年以來漸失舊制始加中使命為都監頃者韓全義討 速有處分謹具奏聞謹奏 右緣承璀職名自昨日來臣與李絳等已頻論奏又奉宣 論承璀職名狀 承璀充諸軍行營招討處置使 白居易

劉貞亮為都監此皆權宜且為近例然則與王者之師徵 金にくところう、オコーノ 增其氣國史記之後嗣何觀陛下忍令後代相傳云以中 天下之兵自古及今未有令中使專統領者今神策軍旣 使即承璀便是都統豈有制將都統而使中使兼之臣恐 劉濟茂昭及希朝從史乃至諸道將校皆恥受承难指塵 官為制將都統自陛下始伏乞聖慮以此思之臣又兼恐 不置行營節度使即承璀便是制將又充諸軍招討處置 心旣不齊功何由立此是資承宗之計而挫諸將之勢也 四方聞之必輕朝廷四夷聞之必笑中國王承宗聞之必

陛下憐其忠赤富之可也至於軍國權柄動關於治亂朝 伏乞聖慮又以此思之臣伏以陛下自春官以來則曾驅 循舊例雖威權尚重而制度稍存天下聞之不甚驚聽 使承璀歲月既久恩澤遂深望陛下念其勤勞貴之可也 次定全事文 卷六百六十八 又以此思之陛下必不得已事須用之即望改為都監 之後今臣忘身命瀝肝膽為陛下痛言者非不知逆耳非 人之欲而自損聖明何不思於一時之間而取笑於萬代 廷制度出自於祖宗陛下寧忍徇下之情而自聚法制從 不知危身但以螻蟻之命至輕社稷之計至重伏乞聖慮 白居易 Ξ E

獄中取其男收禁者云是度支轉運下囚禁在縣獄欠負 紫允許伏望速宣與中書改為諸軍都監臣不勝憂迫懸 乞於道路以供獄糧其中有身禁多年妻已改嫁者身死 右伏聞前件縣獄中有囚數十人並積年禁繫其妻兒皆 又降德音皆云節文不該至今依舊囚禁臣伏以罪坐之 切彷徨之至 タラベラ 物無可填賠 奏閱鄉禁囚狀 號州関鄉湖城等縣禁囚事宜 一禁其身雖死不放前後兩遇恩赦令春

欽定全唐文八卷六百六十八 古罪人未聞此苦行路見者皆為痛傷况今陛下愛人之 無 件囚等欠負官錢誠合填納然以貧窮孤獨唯各一 文不該事由臣即未知委細伏望與宰相商量兼令本司 必能傷陛下陰陽之和也其囚等人數及所欠官物并赦 心過於父母豈容在下有此窮人古者一婦懷冤三年大 刑無重於死故殺人者罪至於死坐贓者身死不徵今前 具事由分析聞奏如或是實禁繫不虛伏乞特降聖慈發 納期禁無休日至使夫見在而妻嫁父已亡而子囚自 夫結憤五月降霜以類言之臣恐此囚等憂怨之氣 白居易 四 一身債

事奏上 鹽 使 右臣伏以趙宗儒衆稱清介有恒嚴緩衆稱怯懦 聽 一鐵使下 臧否優劣相懸宗儒自到江陵雖無殊政亦聞清净境 及早遠近自無冤滯事關聖政不敢不言臣兼恐度支 煩安縱要改移即合便擇勝宗儒者且嚴緩在太原之 時放免 論嚴緩狀 諸州縣禁囚更有如此者伏望便令續條疏其 奉宣令依中書狀撰制除嚴緩江陵節度使 則使縲囚獲宥生死皆知感恩二則明 無恥二

欽定全唐文 巻六百六十八 臣前後所奉宣撰制若非甚不可者亦不敢切論今此除 後無不驚嘆兼邪人得計正人憂疑大乖羣情深損朝政 授實甚不可伏望聖慈更賜裁量其制未敢便撰伏待聖 廷至今人情以為至當今忽再用又替宗儒臣恐制書下 事聖聰備聞天下之人以為談柄陛下罷其節制追赴朝 旨謹奏 論孟元陽狀 奉宣令依中書狀撰制除孟元陽右羽林軍統 軍仍封趙國公食邑三千戸 白居易 五

臣所見若改除金吾大將軍輕重之間實為得所只如 修但以老年事須與替比諸流輩事述不同今所除官合 伏望聖慈以此裁量其制未敢依中書狀便撰謹具奏聞 惟晨李簡之輩有何功業合比元陽猶居此官動逾年歲 加優獎昨者范希朝在太原日昏耄不理人情共知及除 統軍衆猶謂屈今元陽事述不同希朝又除統軍恐似更 右臣伏以孟元陽激水有功河陽有政自到澤路戎事頗 **始雖加封爵悉是虛名况元陽功効忠勤天下有數令以** 例除改無所旌别臣恐今日已後無以勸人以

たららいととうというと 伏待聖旨謹奏 職在箴規皆須聞望清方行實端愁然後可以佐彌給 諭并賜告身者聖慈曲被籠命猥加俯以拜恩跪而受賜 右臣等伏奉恩制除前件官今日守謙奉宣進旨特加慰 舞離次驚惶失圖伏以郎吏諫官古今所重位當星東 謝官狀 授朝議郎守尚書庫部員外郎翰林學士雲騎 新授將仕即守左拾遺翰林學士臣白居易新 尉臣崔羣 白居易

などろう。アンファンコン 擢荣班慙惶交至初授殊常之龍聞實若驚再思難報 造俯伏憂愧若無所容無任感恩兢惕之至謹奉狀陳 恩感而欲泣唯當奮勵駕鈍補拾闕遺中誓赤誠上 厥官臣等學識庸虛才質愚懦自居近職香冒已深況起 以聞謹奏 石今日守謙奉宣聖旨以臣本官合滿欲議改轉知臣 -昧能正其詞盡獻納於朔言必直其節书輕所選實忝 奏陳情狀 翰林學士將仕郎左拾遺白居易 酬

敢塵黷無任兢惶謹 具奏陳伏待聖旨 臣實幸甚則及親之禄稍得優豐荷恩之心不勝感激輒 判司往年院中曾有此例資序相類俸禄稍多儻授此官 右伏奉恩制除臣前件官今日守謙奉宣聖旨特加慰諭 察愚愚臣母多病臣家素貧甘旨或虧無以為養藥餌或 缺空致其愛情迫於中言形於口伏以自拾遺授京兆府 有陳露令臣將狀來者臣有情事不敢不言伏希聖慈的 謝官狀 新授京兆府戸曹參軍翰林學士臣白居易 0 ---白居易

臣所以撫心知愧因事吐誠烏鳥私情得盡歡於展養犬 明聖塵恭歲久憂慙日深况於官禄之間豈敢有所選擇 舞屏管不知所據臣叨居近職已涉四年自顧庸昧無神 兼賜告身者俯僂拜恩怵惕受命戰越跼蹐驚惶失容蹈 | 一歩 | 一歩 大百六十八 馬微力誓效死以酬恩榮幸不止於一身感戴實深於萬 此皆皇明俯察元造曲成念臣為子之心賜臣及親之禄 所欲况前件官位望雖小俸料稍優臣今得之勝登貴位 人子之心有所不足非蒙聖念雖許陳請敢望天恩遠從 但以位甲俸薄家貧親老養闕甘馨之費病乏藥石之資

歎捫心自為戰汗慙惶隕越於下謹奉狀陳謝以聞謹奏 火ビートリートというと 賤才質辱微草野鄙夫風塵走吏豈期聖造擢在禁聞煦 品無任荷恩抃躍之至 罄引滿將王澤而共深玉鎮屬厭與聖德而俱飽終食且 手足無指况樽開九醞饌列八珍惠過加邁榮優置體金 以天慈賜以御食臣所以凌兢受命俯伏荷恩心魂不寧 右今日守謙奉宣聖旨以臣初入院特賜設者臣生長竅 謝紫恩賜設狀 謝恩賜衣服狀 白居勿

幕春良月上巴嘉辰獲侍宴於內庭又賜歡於曲水蹈舞 貌非稱服撫微軀而荷籠力不勝衣因物感恩無任愧懼 遠方降從御府旣鮮華而駭目亦輕暖而便身臣實何人 禁司緩經旬月未陳薄効累受殊私况前件衣服等獻自 右今日伏奉聖恩賜臣等於曲江宴樂并賜茶果者伏以 堪此榮賜必擬秘藏篋笥傳示子孫何則顧恆質而懷慙 金ケノを見うりまってい 右今日守謙奉宣聖旨以臣初入院特賜衣服者臣自入 三月三日謝恩賜曲江宴會狀

大きとうことのここと 幸實生於望外仍加慰諭由被輝華臣等各以几才同參 於最勝之地況天廚酒脯御府管紅寵錫忽路於寰中慶 此就惶未知所報謹奉狀陳謝以聞謹奏 慙肉食無謀未展涓埃之効素餐有愧難勝醉飽之思以 脯等者伏以重陽令節大有豐年賜宴於無事之朝追歡 右今日伏奉進止賜臣等於曲江宴會特加宣慰并賜酒 踢地歡呼動天况妓樂選於內坊茶果出於中庫祭降天 一龍驚人間臣等認列近司很承殊澤捧觴知感終宴懷 九月九日謝恩賜曲江宴會狀 白居易

特加慰問者伏以時逢臘節候屬祈寒豈意聖慈不忘 容發外挾續之恩甫及和則體舒不龜之澤旣霑感而 賤念嚴疑而加之照嫗慮敏家而潤以脂膏喜氣動中 密職幸遇休明之日多承飫賜之恩樂感形骸歡容動 多方在屋文一老六百六十八 右今日蒙恩賜臣等前件口蠟及紅雪澡豆等仍以時寒 狀陳謝以聞謹奏 舞臣等省躬懷愧因物諭情豈止飲德紫心唯驚寵賜 (舞澤均草木秋色變以為春徒激丹心豈報元澤謹 臘日謝恩賜口蠟狀

為尺白金為寸美而有度與以相宣逮下明忖度之心為 欽定全喜文、表六百六十八 歲至雖恩光下濟咫尺之顏不達而尸素內慙分寸之功 慶賜申恩當畫夜平分之時頒度量合同之令况以紅牙 擬深身屬節以答鴻私感躍之誠倍萬恒品謹具奏聞世 未効棒受愧畏倍萬恒情謹具奏聞謹奏 石今日奉宣賜臣等紅牙銀寸尺各一者伏以中和居節 表裁成之德慶澤所及歡心畢同臣等塵忝日深龍錫 中和日謝恩賜尺狀 白居易

勝欣戴 其非常之物用表特異之恩况春羔之薦時始因風出當 被荷兹荣耀就賜而照臨第宅聚觀而光動里間降實自 藏煙時當改火助和氣以發滯表皇明而燭幽臣顧以賤 右今日高品官唐國珍就宅宣旨賜臣新火者伏以節過 右今日奉宣旨賜臣等冰者伏以須冰之儀朝廷盛典以 因榆柳之燈仰之如日空傾葵灌之心徒奉恩輝豈 謝恩賜冰狀 謝清明日賜新火狀

慶賀既深感戴無極謹奉狀陳謝 たっといましてはいるとうてい 捧之兢兢永懷履薄之戒以斯惕屬用答皇恩謹奉狀陳 捧持開卷受時見履端之有始披文閱處知御悉之 右今日紫恩賜臣等前件新悉日者臣等拜手蹈舞鞠 謝以聞 夏蟲之 以堪欣駭慙惶若無所措但飲之慄慄常傾受命之心 /疑日忽自天來煩暑迎消清礙隨至受此殊賜臣 謝恩賜茶果等狀 謝賜新歷日狀 白居易 躬

等慙深曠職寵倍舊心述清問以修詞言非盡意仰皇慈 茶果梨脯等曲蒙聖念特降殊私慰諭未終賜養旋及臣 金与月月一十月二十八十八 恩空荷皇慈豈伸丹慊謹奉狀陳謝 至 屬年豐頒上尊之酒漿賜大臣之餅餌旣非舊例特表 而受賜力豈勝思徒激丹誠詎酬元造無任欣戴抃躍 右今日紫恩賜臣等酒及蒸餅環餅等伏以時維秋社慶 右今日高品杜文清奉宣進旨以臣等在院進撰制問 社 日謝賜酒餅狀

舊臣伏料陛下不能以小事致責臣等又以朝廷所設科 非廣其中更重點落亦恐事體不宏以臣所見兼請不考 唯造尚書侍郎二人考試吏部事至繁劇考送固難精詳 臣等獨有所見不敢不奏伏以今年吏部科第不置考官 所送文書未免瑕病臣等若苦考覆退者必多韓皋累朝 右臣等奉中書門下牒稱奉進旨令臣等重考定開奏者 シャングストレデスターワーノ 目雖限文字其間收採兼取人材今吏部只送十人數且 論重考科目人狀 今年吏部應送科目及平判人所說文章等 白居易

伏乞以臣等此狀宣付宰臣重賜裁量伏聽進旨 臣参知制命酌其宜稱誠合在先臣既請詳輒舉自此 已得者不妨像倖不得者所賸無多貴收人材務存大體 金片全岸マールメンドライン 右臣伏准建中元年正月五日勒文武常参官上後三日 可以掌王言學可以待顧問名實相副輩流所推選備侍 人自代者伏以前件官有辯敏之學有體要之文文 舉人自代狀 嗣復 中書省朝議郎權知尚書兵部郎中騎都尉

聖聽之外必以為或親或故同為黨庇臣今非不知但以 試詳臣言伏以陛下慮今年及第進士之中子弟得者僥 倖平人落者受屈故令重試重考乃至公至平凡是平· 避嫌事小隱情責深所以冒犯天威不敢不奏伏希聖鑒 具聞薦伏聽動旨 夙夜惶懼實憂愚昧不副天心敢不盡力竭誠苦考得失 熟不慶幸况臣等才識淺劣謬蒙選充考官自受命以來 右臣等伏料自欲重試進士以來論奏者甚衆伏計煩黷 200 1 1 man 1 1 2 1 1 1 1 1 1 1 1 論重考試進士事宜狀 白居易

病在與奪之際或可於量倘陛下垂仁察之心降特達之 錯昨重試之日書策不容一字給燭只許兩條迫促驚忙 其間瑕病纖毫不容循期再三知臣懇盡然臣等别有愚 等知非而愧取其父兄等感激而戴恩至於有司敢不懲 幸皆成就若比禮部所試事校不同雖詩賦之間皆有瑕 華臣等皆紫寵擢又恭職司實願裨補聖明敢不罄竭肝 命明示瑕病以表無私特全身名以存大體如此則進士 見上神聖聰反覆思量輒敢密奏伏惟禮部試進士例許 多员会是文人卷六百六十八 用書策兼得通宵得通宵則思慮必周用書策則文字不

受尋以奏陳昨日中使第五文本就宅奉宣令臣受取 宜今日不敢不言臣家素貧非不要物但以非者陛下 報父讐未雪國恥凡人有物猶合助之况取其材有所不 臣宣諭田布不同常例田布今日之事不同諸家何者 臣已當時進狀陳謝記感戴聖恩昨日不敢不謝酌量 右田布以臣宣慰進旨敬命荷恩遂與臣前件絹臣不敢 大などはまして、ないでして 讓絹狀 恩賜田布與臣人事網五百匹 白居易 <u>-</u>

使之人悉須得物臣恐鎮州賊徒未珍田布財産已空欲 誓心報響捐軀殺賊伏料宣諭慰問使者道路相望若奉 金与白屋文章是一十八 忍又非除田布魏博節度制中誠云一飯之飽必均於士 救將來乞從臣始此則求田布物者必息而田布感聖渥 大費雖資於公給小用亦藉其家財今陛下方欲使田布 官每月俸錢尚慙尸素無名之貨豈合茍求伏願天鑒脱 倍深責其成功必有可望臣食國家之厚禄居陛下之清 則是有違制命不副天心臣又以凡節將之臣發軍討叛 一毫之費必用於戈矛今以五百匹絹與臣臣若便受

聖旨 欽定全唐文、卷六百六十八 慈許臣不敢取仍望宣示田布令知聖恩謹錄奏聞伏待 右今日宰相送詞頭左降前件官如前令臣撰詞者臣伏 心實不安不敢不奏其前件網臣尋已却還田布伏乞 知臣不是飾讓臣又非不知如此小事不合塵黷尊嚴 論左降獨孤朗等狀 澧州刺史刑部員外郎王鑑可郢州刺史 都官員外郎史館修撰獨孤朗可富州刺史起 居舍人溫造可朗州刺史司勳員外郎李肇可 白居易 主

皆是近署聚飲致醉理亦非宜然皆貶官即恐太重況獨飲四人又一例左降臣有所見不敢不陳伏以兩省史館 孤朗與李景儉等皆是僚友旦夕往來一飯一飲蓋是常 以李景儉因飲酒醉詆忤宰相旣從遠貶已是深文其同 恐朝廷官寮從此不敢聚會四方諸遠不知事由奔走流 事景儉飲散之後忽然醉發自猶不覺何况他人以此於 年聖慈寬和天下欣戴臣恐此詔或下衆情不免驚憂 量情亦可恕臣又見貞元之末時政嚴急人家不敢歡宴 朝士不敢過從衆心無慘以為不可自陛下臨御及此一

恩知失亦足成懲臣不揆悉恐輒敢塵黥豈不懼罪豈不 伏待聖旨 是偶然其獨孤朗等四人出官詞頭臣已封記未敢撰進 奏是圖省事有負皇恩伏希天慈以此詳察知臣所奏不 問若非甚不可者恐煩聖聽多不備論今者所見若又不 惜身但緣進不因人出於聖念自忠州刺史累遇中書舍 傳事體非便伏惟宸歷更賜裁量免至貶官各令罰俸 人已涉二年一 論行管状審事宜謹具如後論行管状應緣鎮州行營利 無神補風夜態傷實不自安前後制動之 ニマ

多気生屋文、光六下六十八 張必無所望今李光顔既除陳許節度盡領本軍伏請抽 肯率先遞相顧望又以朝廷賞罰近日不行未立功者或 危者豈不以兵數太多反難為用節將太衆則心不齊莫 先封官已敗納者不聞得罪旣無懲勸以至遷延若不改 州等五道節度各領全軍又徵諸道兵馬計士八十萬四 右臣等伏見自幽鎮有事以來記太原魏博澤潞易定倉 面圍繞已逾半年王師無功賊勢猶盛弓高已失深州甚 招諭事 請專委率光顏東面討逐委裝度四面臨境

責在身事勢驅之自須死戰若比向前模樣用命百倍 其力招諭以動其心未及誅夷自生變改况光顏久諳戰 剪除若戰勝賊窮亦許受降納款如此則鎮州夾攻以分 諸道勁兵通前約與三四萬人從東速進開弓高糧路 陣素有威名裴度為人忠勇果決加以明懸賞罰使其憂 破賊責功無出於此况太原與王之地天下勁兵令旣 博諸軍解深形重圍與元翼合勢令裴度領太原全軍 招討舊職四面壓境觀釁而動若乘虚得便即令同力 へ足當 一面以此計度無如二人 白居易

多定全建文、老六百六十八 展効或聞澤潞魏博兵馬同討淮西之時素諳光顏勤 每軍抽人不為不用其餘放去理亦無妨况令守疆亦足 三四千人並令光顏專統 伏請韶光顏於前件四道揀選馬步精鋭者每軍各 加以徐泗鄭滑河陽等軍悉皆勁銳堪用况兼魏博 八千人昨又發三千人光顏又領鳳翔馬軍 一公樂為用可望成功今光顏得到下博後即陳許先 光頹事 請抽揀魏博澤潞易定滄州四道兵馬分付 則藉其兵力討襲鎮州二

致定全唐文《卷六百六十八 陽陝府東都汝州等道兵馬仍委光顏揀擇可否若不堪 右伏以朝廷本用田布之意以宏正遇害令報父讐望其 如此則果齊令一必有成功 用不如放還豈惟虚費資糧兼恐撓敗軍陣今既只留東 感激眾心先立功効今領全師出界供給度支數月已來 都不進討非田布固欲如此抑有其由或聞魏博 四道所抽兵馬約有三四萬人盡付光顏足以成事其裏 一帥請各置都監一人諸道兵馬監軍伏請一時停罷 請勒魏博等四道兵馬却守本界事 白居易 軍累

挫叔良又乏將謀勢不支任必無可望今請魏博等四道 各歸本界嚴守封疆如此則不獨減無用之兵亦可以省 全軍收臨城 依前將何供給則不如使退守本境自供給衣糧省費之 經優賞兵縣將富莫肯為用況其軍一月之費計實錢二 有限之費就中魏博尤要退軍虚費貨糧最可痛惜者也 了七八萬貫今天下百計求取不足充其數月衣糧若且 利害明矣其澤路易定等雖經接戰勝員略均且昭義 一縣不得則其兵力亦可知矣滄州新經敗

欽定全唐文卷六百六十八 道衣糧即每月所費僅減其半一月之用可給兩月难供 克融新授節鐵縱終助援必恐遲疑當逗遛克融之時是 經管庭湊之日遲則心固久則計成三數月間須有次第 臣以爲當今至切無過於此 六萬所費無多旣易支持自然豐足責其死戰敢不盡心 夏已來實恐計無所出今若兩道更弱六萬其餘退食本 右克融庭湊同惡相濟物情事理斷在不疑今朝廷特赦 石伏以行管最切者並不以國用將竭軍費不充更至 請因朱克融授節後速討王庭凑事 白居易 无

尚兵數不抽軍費不減食旣不足衆何以安不安之中 伏望不以臣等儒生輕而不用也二者伏恐行營事勢奏 具如前狀以行管今日事宜真可謂急危極矣其間變故 利害雖愚亦知况察羣情兼聽衆議與臣此奏所見多同 敢奏今既事切不敢不言若攻戰機宜非臣所習而軍國 儒生不諳兵事縱知誠懇的未信行臣亦以此自疑久未 事不有伏料陛下覽臣此狀必有二疑一者以臣等悉是 延引入夏轉難用兵今正是時時不可失以臣等所見謹 不可知但恐如今救已遲晚若猶可及無出於此何者

等又憂深州久園救兵不至弓高新陷糧道未通下 於此伏乞聖慮察而念之不以重難改移忽於大計也臣 抽減三百茶鹽估價有司並已增加水陸關津四方多請 務改圖古人云收之桑榆事猶未晚若因循且過即救療 移前事若得其宜即合旋有成績至今旣無次第安得不 報不真皆云賊徒計日合破又陛下以制置旣久難於改 百計誅求日引月加以至困極今天下諸色錢內每貫已 ·税不許即用度交關盡許則人心無愕自古安危皆繁 難臣又切有過憂敢不盡吐肝肺實恐軍用不濟更須 白吾易

飲定全唐文· 老六百六十八 等受恩日久憂國情深志在懇切言無方便伏望聖鑒俯 雖悔其可及乎其鑒不遥在貞元中韓全義五樓之敗是 糧罄竭各求生路誰向死門無可奈何忽然奔散即聖 軍致於窮地光顏兵少欲入無由外即救援不來內即 也伏望陛下詳臣此狀思臣此言若以為然速賜裁斷臣 據刑部及大理寺所斷准律非因關爭無事而殺者名為 察愚衷無任感激悃款之至謹同詣延英門進狀以聞伏 勅旨謹奏 諭 姚文秀打殺妻状 鯸

部所執以姚文秀怒妻有過即不是無事旣是有事因而 故殺今姚文秀有事而殺者則非故殺據大理司直崔元 殺名為故殺此言事者謂爭勵之事非該他事今大理刑 爭又蓄怨怒即是故殺者又按律疏云不因爭關無事而 阿王被打狼籍以致於死姚文秀檢驗身上一 式所執准律相爭為關相擊為歐交關致死始名關殺今 不得名為相擊阿王當夜已死又何以名為相爭旣非關 是使天下之人皆得因事殺人殺人了即曰我有事而 死則非故殺者此則唯用無事兩字不引爭關上 無損傷 則

爭一爭之後以物歐殺了則曰我因有事而殺非故殺也 當夜便死察其情狀不是偶然此非故殺熟為故殺若以 姚文秀自云相爭有何憑據又大理寺所引劉士信及縣 先因爭罵不是故殺即如有謀殺人者先引相罵便是交 又如此可乎設使因爭理猶不可况阿王已死無以辨明 非憎嫌偶相爭關一殿一擊不意而死如此則非故殺以 欽定全唐文、卷六百六十八 其本原無殺心今姚文秀怒妻頗深挾恨旣久毆打狼籍 足明事謂爭關之事非他事也又凡言關歐死者謂是素 殺非故殺也如此可乎且天下之人豈有無事而殺人者 **宾居易**